

Qinersisartut Inatsisartunut kommunalbestyrelsinullu qinersinermi qinersivimmi sumiiffimmi sumiikkaluartumiluunniit qinersisinnaannagnornissaat anguniarlugu suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Siumut)

Akissuteqaat

(Isumaginninnermut, Suliffeqarnermut, Nunamut Namminermut Avatangiisinullu Naalakkersuisoq)

Aappassaaneerneqarnera

Naalakkersuisut, Inatsisinut Ataatsimiititaliap isumaliutissiissutaannut aamma siunnersuutip suliarineqarneranut atatillugu suliarisimasaanut, qujassuteqarput.

Siunnersuummi siunertarineqarpoq qinersisartunut qinersisinnaanerup ajornannginnerulernissaa, tassani apeqqutaatinnagu qinersinermi qinersiviup iluani sumiiffimmi sumiikkaluaraanniluunniit. Taamaaliornikkut ullormi qinersiffiusumi innuttaasut eqaannerusumik periarfissaqarnissaat pilersinneqassaaq.

Naalakkersuisut maluginiarpaat suliap ingerlateqqinnissaani teknikikkut aamma allaffissornikkut unamminartoqarsinnaanissaa, ingammik nunap immikkoortuini kommunimut qinersinerni qineqqusaartut agguataarnerannut tunngatillugu. Taamaattorli unamminartut taakkua iluarsineqarsinnaassapput suliassat aamma inatsisitigut killiussat sukumiinerusumik misissorneqarnerat aqputigalugu.

Naalakkersuisut siunnersuummi siunertarineqartoq tapersersorluinnarpaat aammattaaq innuttaasut tamat oqartussaaqataanerannut peqataanissaannut periarfissaannik pitsanngorsaannissamik kissaateqarneq ilalerlugu. Naalakkersuisut piareersimaffigaat suliassap ingerlateqqinneqarnissaa Inatsisartut aalajangiinerat naapertorlugu aamma tassuuna anguniarlugu aaqqiissuteqarnissaa, qinersinermi taasisinnaanermut eqqaannerusumik periarfissaqarnissamik kissaateqarneq ilalerniarlugu.

Taamatut oqaaseqarluta Naalakkersuisut inassuteqaatigaat siunnersuutip akuersissutigineqarnissaa.